

Տէր մեր, դու ետուր ինձ զիշխանութիւն լինիլ փոխանորդ երուսաղէմի, իսկ եղիազարդ այդ նստեալ 'ի քաղաքի աստ, ժողովէ դրամս յանուն երուսաղէմի, եւ պատրեալ կեղեքէ զՀայս: Ասէ Եպարքոսն, զի՞նչ պարտի դաքեզ. և նա ասէ, 10 կամ 15,000 դահեկան. ասէ Եպարքոսն, տակաւին ո՞չ գերծաւ 'ի ձեռաց քոց այրդ այդ: Եհան Մարտիրոս թուղթ մի՝ յորում դոյր կնիք եղիազարու, և ասէ. սովին թղթով իբր գրով և կնքով երուսաղէմի արձակեալ զպաշտօնեայս իւր՝ հաւաքէ նոքօք զինչս:

Դարձաւ Եպարքոսն առ եղիազար, և ասէ. այդ այդպէ՞ս իցէ: Եւ նա ասէ. յոտս մեծութեան ձերոյ հասեալ կամ՝ դադարել աւուրս ինչ 'ի պանծալի քաղաք թագաւորական. եւ ժողովուրդն՝ որ վայելէ 'ի խնամս առատութեան ձերոյ, տայ և ինձ զկարեւոր պէտս առ 'ի պահելոյ զպաշտօնեայս իմ, յորոց մի էր երբեմն և դա. իսկ 'ի գիրդ յայդ չիք խարդախութիւն, զի իմ է կնիք դորս և յանուն իմ, և ոչ յանուն երուսաղէմի:

Հրամայեաց յայնժամ Եպարքոսն առ ծառայս իւր՝ բերել նմա վերարկու պատուոյ. զի այր այդպիսի ասէ, որ հաւատարիմ է յԱրքունիս եւ սիրելի ժողովրդեան իւրոյ՝ կալցի զՊատրիարքութիւնն երուսաղէմի: Եւ իբրեւ բերին զվերարկուն, ետ զգեցուցանել նմա 'ի մէջ ատենին յանդիման Մարտիրոսեանց: Յառաջ ընթացաւ եղիազար՝ համբուրել զքղանցս Եպարքոսին, և նա ասէ. երթ և արա աղօթս վասն կենաց թագաւորին: Եւ եղեւ 'ի մեկնիլ ամենեցուն յատենէ անտի՝ ելին և Մարտիրոսեանք և Թլթղլեանք ափշեալք և կորացեալք, և ցիր ու ցան լեալ գնացին յայլ և այլ տեղիս՝ ոչ կարելով տանել կատականաց քաղաքացւոյն: Եւ այս եղեւ 'ի վերջն Մարտի յաւուր տօնի մտից Ս. Լուսաւորչին 'ի վիրասլն: Եւ եղիազար հաճեցուցեալ զԵպարքոսն՝ էառ և 'ի Թագաւորէն հրովարտակ 'ի հաստատութիւն իշխանութեան իւրոյ, և եկն 'ի Կոստանդինուպօլիս:

Հաստատեալ եղիազարու 'ի Պատրիարքութեան երուսաղէմի միանգամայն եւ յառանձին Կաթուղիկոսութեան իւրում, առաքեաց վաղվազակի թուղթս 'ի Կոստանդինուպօլսոյ յայլ և այլ կողմանս իբր աւետաւորութիւն իմն